

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona” broj 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 195. sjednici, održanoj dana 11.12.2014. godine, d o n o s i

## ZAKLJUČAK

### I.

Prima se na znanje Informacija o iznosu subvencije za ishranu i smještaj studenata s prebivalištem na području Zeničko-dobojskog kantona u studentskim centrima u Federaciji Bosne i Hercegovine.

### II.

Zaključak stupa na snagu danom donošenja.

Broj: 02-\_\_\_\_\_/14

Datum, 11.12.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za obrazovanje, nauku, kulturu i sport,

1x a/a.

Bosna i Hercegovina  
Federacija Bosne i Hercegovine  
Zeničko-dobojski kanton  
Ministarstvo za obrazovanje, nauku, kulturu i sport

**INFORMACIJA**

**o iznosu subvencije za ishranu i smještaj studenata s prebivalištem na području Zeničko-dobojskog kantona u studentskim centrima u Federaciji Bosne i Hercegovine**

Zenica, decembar 2014. godine

U oktobru 2001. godine premijer Zeničko-dobojskog kantona je potpisao Protokol o subvencioniranju smještaja i ishrane studenata u studentskim centrima-domovima u Federaciji BiH, kojim je utvrđeno da će „**ministarstva nadležna za oblast obrazovanja subvencionirati troškove smještaja i ishrane (jedan obrok - ručak) studenata u visini cca 60% cijene utvrđene i usaglašene na nivou Zajednice studentskih centara Federacije BiH**“ (u prilogu).

U aprilu 2006. godine Vlada Zeničko-dobojskog kantona je donijela Zaključak o davanju saglasnosti na utvrđenu visinu participacije Vlade Kantona u cijeni usluga i smještaja studenata sa područja Zeničko-dobojskog kantona u studentske centre u Federaciji BiH u iznosu od **110,00 KM** (u prilogu).

U aprilu 2006. godine potpisani su ugovori o subvencioniranju smještaja i ishrane studenata sa područja Zeničko-dobojskog kantona, smještenih u studentskim centrima u Sarajevu, Mostaru, Tuzli i Zenici, kojima je precizirano da akademska godina u smislu pružanja usluge smještaja i ishrane studenata traje 10 mjeseci, odnosno, od 15.09. tekuće do 15.07. naredne godine (u prilogu primjer Ugovora sa JU Studentski centar Sarajevo).

Na osnovu zahtjeva Zajednice studentskih centara za uvođenje drugog obroka (večere) u studentskim centrima u Federaciji BiH, Vlada Kantona je 2007. godine zaključkom dala saglasnost na visinu participacije u cijeni smještaja i ishrane u iznosu od **170,00 KM** (u prilogu).

Na zahtjev Zajednice studentskih centara, a zbog pogoršanih uslova poslovanja, izazvanih svakodnevnim rastom cijena i usluga na tržištu, Vlada Kantona je 2008. godine donijela zaključak kojim je data saglasnost na visinu participacije u iznosu od **189,00 KM** (u prilogu).

U augustu 2014. godine Ministarstvo je dopisom obavijestilo studentske centre o maksimalnom broju studenata u akademskoj 2014/2015. godini, koja obuhvata preiod od 15. septembra do 31. decembra 2014. godine i od 01. januara do 15. jula 2015. godine:

SC Sarajevo	<b>570</b>
SC Tuzla	<b>110</b>
SC Mostar Univerzitet	<b>25</b>
SC Mostar Sveučilište	<b>31</b>
<b>UKUPNO:</b>	<b><u>736</u></b>

Ministarstvo je u Budžetskom zahtjevu za 2015. godinu na poziciji „Tekući transfer za smještaj studenata u studentske centre“ planiralo iznos od **1.347.835,00 KM** na bazi subvencije od **189,00 KM** mjesečno po studentu. U radnoj verziji Budžeta za 2015. godinu predloženo je **1.310.526,00 KM**, što je u visini izvršenja Budžeta za 2013. godinu.

U septembru 2014. godine vršilac funkcije premijera Kantona Sarajevo uputio je Vladi Federacije BiH Inicijativu za hitnim održavanjem sastanka, uz prisustvo svih premijera i ministara obrazovanja kantona u Federaciji BiH, čiji studenti koriste usluge Studentskog centra u Sarajevu, a u cilju rješavanja pitanja studentskog standarda (u prilogu), nakon čega je premijer Federacije BiH uputio poziv na zajednički radni sastanak koji je održan 14.10.2014. godine u sjedištu Vlade Federacije BiH (u prilogu).

Zajednica studentskih centara je potom dostavila Ministarstvu zaključke sa radnog sastanka u kabinetu premijera Federacije BiH (u prilogu), uz konstataciju da je neophodno potrebno izvršiti korekciju postojećih cijena za **45,00 KM** po studentu mjesečno, u skladu s analizom poslovanja studentskih centara u Federaciji BiH koju je izvršila nezavisna revizorska kuća, i to tako da 2/3 tražene korekcije trebaju snositi učesnici sufinansiranja, što iznosi **30,00 KM**, a 1/3 studenti. Zatraženo je da se u Budžetu za 2015. godinu na tekućem transferu planira iznos po osnovu cijene od **219,00 KM** mjesečno po studentu. Ujedno je zatraženo što skorije izjašnjenje učesnika sastanka o navedenom prijedlogu.

Na osnovu najave Zajednice studentskih centara o povećanju cijene ishrane i smještaja studenata za ukupno **45,00 KM** od januara 2015. godine, odnosno povećanja subvencije za **30,00 KM**, Ministarstvo je uputilo Primjedbe na radnu verziju prijedloga Budžeta za 2015. godinu. Prijedlog Ministarstva je urađen na bazi 736 studenata x 219 KM/student mjesečno x 10 mjeseci, što je ukupno **1.603.080,00 KM** (u prilogu).

Zajednica studentskih centara je uputila dopis premijerima kantona i resornim ministarstvima u kojima ih poziva da najkasnije do 20.11.2014. godine dostave svoj stav u vezi s prihvaćanjem korigovanog iznosa subvencije za ishranu i smještaj studenata u Federaciji BiH (*u prilogu*). U slučaju negativnog stava, ukupno povećanje cijene od **45,00 KM** bi snosili studenati.

Ministarstvu se obratila i Unija studenata Univerziteta u Zenici sa zahtjevom da se razmotri mogućnost povećanja iznosa subvencije u iznosu od **30,00 KM** (*u prilogu*).

**MINISTAR**

*Mirko Trifunović*